

0.0.1 vibhaṅgasuttaṃ

1. satipaṭṭhānañca vo bhikkhave, desissāmi satipaṭṭhānaṃ bhāvanañca satipaṭṭhānabhāvanāgāminiñca paṭipadaṃ. taṃ suṇātha. katamañca bhikkhave, satipaṭṭhānaṃ: idha bhikkhave, bhikkhu kāye kāyānupassī viharati ātāpī sampajāno satimā vineyya loke abhiijhādomanassaṃ. vedanāsu vedanānupassī viharati ātāpī sampajāno satimā vineyya loke abhiijhādomanassaṃ. citte cittānupassī viharati ātāpī sampajāno satimā vineyya loke abhiijhādomanassaṃ. dhammesu dhammānupassī viharati ātāpī sampajāno satimā vineyya loke abhiijhādomanassaṃ. idaṃ vuccati bhikkhave satipaṭṭhānaṃ.

2. katamā ca bhikkhave, satipaṭṭhānabhāvanā: idha bhikkhave, bhikkhu samudayadhammānupassī kāyasmim viharati ātāpī sampajāno satimā vineyya loke abhiijhādomanassaṃ. vayadhammānupassī kāyasmim viharati ātāpī sampajāno satimā vineyya loke abhiijhādomanassaṃ. samudayavayadhammānupassī kāyasmim viharati ātāpī sampajāno satimā vineyya loke abhiijhādomanassaṃ.

3. samudayadhammānupassī vedanāsu viharati ātāpī sampajāno satimā vineyya loke abhiijhādomanassaṃ. vayadhammānupassī vedanāsu viharati ātāpī sampajāno satimā vineyya loke abhiijhādomanassaṃ. samudayavayadhammānupassī vedanāsu viharati ātāpī sam-

pajāno satimā vineyya loke abhiijhādomanassaṃ.

4. samudayadhammānupassī cittasmiṃ viharati ātāpī sampajāno satimā vineyya loke abhiijhādomanassaṃ. vayadhammānupassī cittasmiṃ viharati ātāpī sampajāno satimā vineyya loke abhiijhādomanassaṃ. samudayavayadhammānupassī cittasmiṃ viharati ātāpī sampajāno satimā vineyya loke abhiijhādomanassaṃ.

5. samudayadhammānupassī dhammesu viharati ātāpī sampajāno satimā vineyya loke abhiijhādomanassaṃ. vayadhammānupassī dhammesu viharati ātāpī sampajāno satimā vineyya loke abhiijhādomanassaṃ. samudayavayadhammānupassī dhammesu viharati ātāpī sampajāno satimā vineyya loke abhiijhādomanassaṃ. ayaṃ vuccati bhikkhave, satipaṭṭhānabhāvanā.

6. katamā ca bhikkhave, satipaṭṭhānabhāvanāgāminī paṭipadā: ayameva ariyo aṭṭhaṅgiko maggo. seyyathīdaṃ: sammādiṭṭhi sammāsaṅkappo sammāvācā sammākammanto sammāājīvo sammāvāyāmo sammāsati sammāsamādhi. ayaṃ vuccati bhikkhave, satipaṭṭhānabhāvanāgāminīpaṭipadāti.